



Халқ сўзи

Ўзбекистон –
келажаги
буюк
давлат

1991 йил 1 январдан чиқа бошлаган



WWW.XS.UZ



E-mail: Info@xs.uz



2018 йил 16 август, № 169 (7127)

Пайшанба

Сайтимизга ўтиш учун QR-кодни телефонингиз орқали сканер қилинг.



Ўзбекистон Республикаси Президентининг ФАРМОНИ

ТОШКЕНТ ШАҲРИДА ИНВЕСТИЦИЯ МУҲИТИНИ ЯХШИЛАШ БЎЙИЧА ЭКСПЕРИМЕНТНИ АМАЛГА ОШИРИШ ЧОРА-ТАДБИРЛАРИ ТЎҒРИСИДА

Кейинги йилларда республикада маҳаллий ижро этувчи ҳокимият органларининг фаолиятини такомиллаштириш борасида уларнинг аҳоли ва тадбиркорлик субъектларининг долзарб муаммоларини ўз вақтида ва самарали ҳал этишдаги мустақиллиги ва масъулиятини оширишга қаратилган сезиларли ишлар амалга оширилди.

Шу билан бирга, Тошкент шаҳридаги ишларнинг ҳақиқий аҳолини ўрганиш ишбилармонлик фаоллигининг ўсишига, иқтисодийёт тармоқларини ривожлантириш ва модернизация қилишга инвестицияларни жалб этишга тўқинлик қилаётган тизимли муаммолар ва камчиликлар мавжудлигидан далолат бермоқда.

Тошкент шаҳрида инвестиция муҳитини тубдан яхшилаш мақсадида, шунингдек, 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси ва Ўзбекистон Республикасида Маъмурий ислохотлар концепциясига мувофиқ:

1. Маълумот учун қабул қилинсинки, Ўзбекистон Республикаси Президентининг 2018 йил 1 августдаги “Ўзбекистон Республикасида инвестиция муҳитини тубдан яхшилаш чора-тадбирлари тўғрисида”ги ПФ–5495-сонли Фармониغا мувофиқ:

а) 2018 йил 1 октябрдан инвестиция фаолиятини амалга ошириш учун ер участкаларини беришнинг қуйидаги янги механизмлари жорий этилмоқда:

қишлоқ ҳўжалигига мўлжалланмаган ер участкасини 50 йилгача муддатга, лекин аризада кўрсатилганидан кам бўлмаган муддатга инвестиция лойиҳаларини амалга ошириш учун узоқ муддатли ижарага бериш;

кўмаси мулк объектларини (меҳмонхоналар, савдо объектлари, маданий-қўнғилочар мажмуалар, майиш хизмат кўрсатиш объектлари, таълим ва тиббиёт ташкилотлари, йўл инфратўлиқлари ва бошқалар) қуриш учун ер участкаларига доимий эгалик қилиш ҳуқуқини аукцион орқали сотиш;

(Давоми 2-бетда).



ТОҶИКИСТОН ПРЕЗИДЕНТИНИНГ ЎЗБЕКИСТОНГА ДАВЛАТ ТАШРИФИГА ДОИР

Ўзбекистон Республикаси Президенти Шавкат Мирзиёевнинг тақлифига биноан Тоҷикистон Республикаси Президенти Имомали Раҳмон 2018 йил 17-18 август кунлари давлат ташрифи билан мамлакатимизда бўлади.

Давлат раҳбарлари мунтазамлик касб этган олий даражадаги Ўзбекистон — Тоҷикистон мулоқотининг давоми сифатида Ўзбекистон Президентининг 2018 йил 9-10 март кунлари Тоҷикистонга давлат ташрифи давомида эришилган келишувлар ижросининг боришини муҳокама қилиб, ҳамкорликни янада ривожлантиришнинг, унга узоқ муддатли ва кенг кўламли тус беришнинг устувор йўналишларини белгилаб оладилар.

Ўзбекистон ва Тоҷикистон раҳбарлари, шунингдек, халқро ва минтақавий сиёсатнинг долзарб масалалари юзасидан фикр алмашадилар.

Музокаралар якунида давлат раҳбарларининг Қўшма баёнотини қабул қилиш, Стратегик шериклик тўғрисидаги шартномани, турли соҳалардаги икки томонлама ҳамкорликни кенгайтириш, ўзбек ва тожик халқлари ўртасидаги анъанавий қардошлик алоқаларини мустаҳкамлашга қаратилган салмоқли давлатлараро, ҳуқуқматлараро ва идоралараро ҳужжатлар тўпламини имзолаш режалаштирилмоқда.

Тоҷикистон Президентининг Ўзбекистонга ташрифи дастуридан Олий Мажлис Қонунчилик палатаси Спикери Нурдинжон Исмоилов, Бош вазир Абдулла Арипов билан учрашувлар ўтказиш, Самарқанд шаҳрини зиёрат қилиш ҳам жой олган.

Ў.А.

Меҳру эътибор касбга муҳаббатни оширади

Давлатимиз раҳбарининг 2018 йил 14 августда имзоланган “Ёшларни маънавий-ахлоқий ва жисмоний баркамол этиб тарбиялаш, уларга таълим-тарбия бериш тизимини сифат жиҳатидан янги босқичга кўтариш чора-тадбирлари тўғрисида”ги қарори ўқитувчи-педагоглар, кенг жамоатчилик, ота-оналар томонидан қувонч билан қутиб олинди.

ДИЛ СЎЗИ

Зеро, мазкур ҳужжат ёш авлодни баркамол этиб тарбиялаш, уларни олиб борилаётган ислохотларнинг фаол иштирокчисига айлантириш, ўқитиш сифатини яхшилаш, жамиятда ўқитувчиларнинг обрўсини оширишга қаратилган билан алоҳида аҳамиятга эга. Бу борада айрим юртдошларимизнинг фикрларига қулоқ тутдик.

Шахноза ҚОСИМОВА, Шайхонтохур туманидаги 20-умумий ўрта таълим мактаби директори, “Меҳнат шухрати” ордени соҳибаси:
— Жуда хурсанд бўлдик. Таълим тизимини ривожлантиришга қаратилает-

ган бу каби юксак эътибор ва ғамхўрлик айни пайтда жамиятда ўқитувчилик касбининг нуфузига ҳам ижобий таъсир кўрсатади. Зеро, ёш авлоднинг улуг аждодларимизга муносиб тарзда вояга етишлари, энг аввало, ўқитувчи бераётган сабоқ, унинг изланиш ва интилишига ҳам бевосита боғлиқ. Мен ўқитувчилик касбини ҳавас билан танлаганман. Аммо тан олиш керак, ўқитувчи меҳнатининг қадри пасайиб кетганди. Асосий вазифа четда қолиб, дала ишлари, ободонлаштириш юмшларига жалб этиш одат тусига айланиб қолган эди. Энди эса Президентимизнинг ёш авлодга ғамхўрликлари

боис бундай манзараларга қатъиян чек қўйилди. Қарорда, шунингдек, ўқитувчиларнинг маоши оширилиши, ҳудудий, республика ва халқро фан олимпиадаларида совринли ўринларни кўлга киритган ўқувчиларни тайёрлаган педагог кадрларга энг кам ойлик иш ҳақининг 5 бараваридан 50 бараваригача миқдорда бир марталик пул мукофоти бериш тартибининг жорий этилиши алоҳида қайд қилинганидан беҳад мамнун бўлдик. Айни пайтда билимдон, жамоат ишларида фаол, намунали хулқ эгаси бўлган битирувчиларга олтин ва қумуш медаллар беришнинг йўлга қўйилиши ҳам оқилона хулоса бўлибди. Рағбат ва эътироф фарзандларимизни илм олишга иштиёқини ошириши мукаррар. Умуман, бундай эъзоз ҳамкасбларимизни фидойиликка, энг муҳими, ўғил-қизларимизни ҳақиқий ватанпарвар ва етук этиб тарбиялашга хизмат қилади.



балки чуқур таҳлил билан жорий қилиш назарда тутилат. Бундан ташқари, замонавий юнун ижодкорлигининг усуллари ва методологиясини ўзгартириш, замон талабларига, халқро меъёрларга мослаштириш хусусида тўхталинмоқда. Фармонга асосан, қонунчиликни тизимлаштириш жараёнида халқро ташкилотларнинг тақлиф ва тавсиялари, кўриб чиқилиши зарур бўлган халқро шартномалар талаблари ҳамда мажбурий тартибда рия қилиниши керак бўлган ва ҳуқуқий базадан чиқариб юборилмайдиган талаблар бўйича ягона оммабоп рўйхат шакллантирилади.

Фармон билан Норма ижодкорлиги фаолиятини такомиллаштириш концепцияси ҳамда уни амалга ошириш бўйича амалий чора-тадбирлар режаси тасдиқланди. Эндilikда норма ижодкорлиги фаолиятини такомиллаштириш учун қонунчилик базаси янада аниқ тизимга солинадиган, ижтимоий муносабатларни ҳуқуқий жиҳатдан тартибга солишга эътибор қўйирилади. Ҳужжатларни ишлаб чиқиш ва қабул қилиш сифати ошади. Уларнинг ижроси устидан алоҳида

мониторинг механизми такомиллаштирилади.

Энг муҳими, Норма ижодкорлиги фаолиятини такомиллаштириш концепциясида қабул қилинаётган норматив-ҳуқуқий ҳужжатларни коррупцияга қарши экспертизадан ўтказишнинг самарали усулларини жорий этиш белгиланмоқда. Яъни ҳар бир ҳужжат жамият тараққиётига ғов бўладиган иллат — коррупцияга қарши экспертизадан ўтказилади ва шунга асосан баҳоланади.

Бу халқимизга нима беради?

Авваламбор, қонун ҳужжатлари меъёрлари адолат таъминлаш асосида қабул қилинишига эришилади. Манфаатлар кесимида жамиятдаги ҳар бир фуқаронининг ҳуқуқ ва эркинлиги олий меъзон сифатида қаралади. Қонуларнинг ягона ҳужжат сифатида бирдек амал қилишини, унинг ижросини таъминлаш мақсадида ташкилотлар томонидан ўрни келганда ўнлаб қонунности ҳужжатлари қабул қилинишига йўл қўйилмади.



**2018 йил 1 сентябрдан
умумий ўрта таълим
муассасалари ходимларининг
базавий тариф ставкалари**



**Бошланғич синф
ўқитувчилари учун
1,1 баравар;**



**Юқори синф
ўқитувчилари
учун ўртача
1,24 бараваргача;**



**Директор, унинг
ўринбосарлари ва
ахборот-ресурс
маркази (кутубхона)
мудирлари ҳамда
кутубхоначилари
учун 1,1 баравар
оширилади.**



ПАРЛАМЕНТДАГИ МУХБИРЛАРИМИЗ ХАБАР ҚИЛАДИ

Ўзбекистон — АҚШ:

Савдо-иқтисодий алоқалар мустаҳкамланмоқда

Ўзбекистон Республикаси Олий Мажлиси Сенати Раисининг биринчи ўринбосари С. Сафоевнинг АҚШ Жанубий ва Марказий Осиё бўйича савдо вакили ёрдамчиси М. Линскотт раҳбарлигидаги АҚШ Савдо вакили офиси делегацияси аъзолари билан учрашуви бўлиб ўтди.

Учрашувда икки томонлама муносабатлар тобора жаддаллашиб бораётгани қайд этилди. Жумладан, Президент Шавкат Мирзиёевнинг жорий йил май ойида АҚШга тарихий ташрифи билан икки томонлама муносабатлар янги босқичга қикди. Ташриф чоғида “Ўзбекистон ва Америка Қўшма Штатлари: стратегик шериклик янги даврининг бошланиши” деб номланган Қўшма баёнот қабул қилинган эди. Ҳозирги вақтда умумий ҳажми қарийб 5 миллиард долларлик келишувларни бажариш бўйича икки томонлама “йўл хариталари” амалга оширилмоқда.

Жумладан, Ўзбекистон Республикаси ва АҚШ ўртасидаги савдо муносабатларида имкон қадар қулайлик бериш тартиби амал қилди. 2018 йил биринчи ярим йиллиги якунларига қўра, Ўзбекистон ва АҚШ ўртасидаги товар айланмаси 256,8 миллион долларни ташкил этди.

Томонлар АҚШнинг Ўзбекистонга савдо имтиёзларини тақдим этиши тўғрисидаги масалани ҳал қилиш учун интеллектуал мулк ҳуқуқла-

рини ҳимоя қилиш ва мажбурий меҳнатга барҳам бериш соҳасида Ўзбекистон муайян муваффақиятларга эришганини эътироф этдилар. Учрашувда Жаҳон савдо ташкилотига аъзо бўлиш масаласида АҚШ мамлакатимизни қўллаб-қувватлашга тайёр экани билдирилди.

Тадбирга жорий йил октябр ойида Тошкент шаҳрида Марказий Осиё мамлакатлари ҳамда АҚШ ўртасида савдо ва инвестициялар бўйича ҳадли битим шитироқи-мамлакатлари анжуманини (TIFA) ўтказиш масалалари муҳокама этилди. Минтақадаги савдо-инвестиция муҳитини яхшилаш имкониятлари ушбу анжуманининг бош мавзуси бўлади. Шунингдек, Ўзбекистон Республикаси Олий Мажлиси Сенати ҳамда Америка — Ўзбекистон савдо палатаси қўшма ўқитишнинг мажлиси ҳам кўриб чиқилди.

Амалий мулоқот руҳида ўтган учрашув якунида икки томонлама муносабатларга оид бошқа масалалар юзасидан ҳам фикр алмашилди.

Қобил ХИДИРОВ.



Давлат бюджетининг олти ойлик ижроси — муҳокамада

Олий Мажлис Қонунчилик палатаси қўмиталари ва сиёсий партиялар фракциялари томонидан “Ўзбекистон Республикаси Давлат бюджетининг ва давлат мақсади жамғармалари бюджетларининг 2018 йил биринчи ярим йиллиқдаги ижроси тўғрисида”ги Вазирлар Маҳкамасининг ҳисоботи атрофида муҳокама этилмоқда.



Қорақалпоғистон Республикаси: Қутлуғ қадамнинг ҳаётбахш натижалари

1 ➡

Мазкур бунёдкорлик ишини “Ўзбекистон темир йўллари” акциядорлик жамиятига қарашли “СПМС” махсус кўма механизациялашган станцияси қурувчилари сифатли урдалашди.

— Ҳаётни сувсиз тасаввур қилиб бўладими, — дейди меҳнат фажрийси Улбосин Артикова. — Айниқса, биз, мўйноқликлар бу ҳақиқатни янада теранроқ англаймиз. Уйимиздаги жўмрақлардан сув оқа бошлаган кун ҳаётимиздаги энг қувончли воқеа бўлди. Бунинг учун Президентимиздан чексиз миннатдоримиз. Бу гаплар бошқаларга эриш туйилар балки. Бошқа шахарларда, пойтахтда яшайдиганлар ошхонасидаги, ваннадаги сувни бемалол ишлатишади. Ичимлик суви билан экин сугорадиганларни ҳам қўрганимиз. Аммо биз ичимлик



сувини, эрталаб юзимизни ювадиган сувни пулга сотиб олардик, бу ерларга машинада олиб келишларини кун санаб кутардик. Энди бу заҳматлар ортда қолди. Шунинг учун ҳам ҳар қатрасини қадрлаймиз.

Мўйноқ тумани аҳолиси учун бебаҳо тўхфа бўлган ушбу иншоот бир кеча-кўнудда 7 минг куб метргача тоза ичимлик суви етказиб бера олади.

Маълумот учун айтиш жоизки, Инвестиция дастурига мувофиқ, бюджет маблағлари ва Оролбўйи ҳудудларини ривожлантириш жамғармаси маблағлари ҳисобидан мавжуд сув тармоқлари реконструкция қилинди ва янгиланди. Шу тариқа 35 та аҳоли пунктида истиқомат қилаётган 50 мингдан зиёд одамлар обихаёт билан таъминлангани лойиҳанинг улкан аҳамиятини кўрсатади. Бу борадаги ишлар яна давом эттириляётгани қувонарлидир.

«Ноль»дан миллиардлар яратилмоқда

Қайд этиш жоизки, 2018-2019 йилларда Қорақалпоғистон Республикасида умумий қиймати 4,5 триллион сўм бўлган 1 минг 300 дан зиёд лойиҳалар амалга оширилади ва қарийб 10 минг иш ўринлари яратилади. Жумладан, sanoat тармоқларида қиймати 492 миллион долларга тенг 232 инвестиция лойиҳаси ҳаётга татбиқ этилади.

Нукус шаҳридаги “Nukus-Remmash” масъулияти чекланган жамияти — ана шундай замонавий sanoat мажмуаларининг дастлабкиси. Корхонага кираверишда: “Ушбу машиини техника воситаларини ишлаб чиқариш заводи Ўзбекистон Республикаси Президенти Шавкат Мирзиёевнинг 2017 йил 21 январдаги Қорақалпоғистон Республикасига ташрифи давомидаги ташаббуси асосида барпо қилинди. 2017 йил 14 октябрда завод дастлабки маҳсулотини ишлаб чиқарди” деган ёзувни кўриб, қалбингизда ифтихор туйғусини ҳис қиласиз.



Лойиҳа чангютиқлар тайёрлашга мўлжалланган “Samsung Nukus” корхонаси негизда ташкил этилди. Эски бино ва иншоотларни реконструкция қилиш ҳисобига барпо этилган корхонада бугун телевизорнинг тўрт ва чангютиқнинг ўн уч тури ишлаб чиқариляпти.

— Юртбошимиз топшириқларидан сўнг, бўш ётган бинолар “ноль” қийматида бизга берилди, — дейди “Nukus-Remmash” масъулияти чекланган жамияти директори Қозим Яминов. — Жами 33 миллиард сўм қийматидаги мазкур лойиҳа рўёбига мамлакатимиздаги “Artel” ҳамда Жанубий Кореянинг “Samsung Electronics” компаниялари жалб этилди. Натижада йилгига 120 мингта чангютиқ, 70 мингта “Samsung” телевизор тайёрлаш имконияти юзага келди.

Айни пайтда 200 нафар маҳаллий йигит-қиз бу ерда замонавий компьютерларни моҳирона бошқаряпти. Улар меҳнати билан ички бозорга импорт ўрнини босадиган маҳсулот етказиб бериляпти.



— Бу каби корхоналарда ишлаш биз, қорақалпоқ ёшлари учун улкан орзу эди, — дейди оператор Дамир Қаллибеков. — Ўтган йили Нукус ахборот технологиялари касб-ҳунар коллежини битириб, шу жамоа сафига қўшилдим. Касб сирларини тез ўзлаштирдим. Ҳозир илгор технологиялар ёрдамида замонавий маҳсулот ишлаб чиқараётганимдан, бу билан юртимиз ривожига ҳисса қўшаётганимдан хурсандман.

Ҳўжайли туманида ташкил этилган янги агросаноат ва логистика марказида ҳам бугун иш қизғин. Шу йил сентябрь ойида фойдала-



нишга топширилиши режалаштириляётган марказда сўнгги пардозлаш ишлари олиб борилмоқда.

Ўн бир гектар майдонни эгаллаган ушбу “Ҳўжайли Агросаноат Маркази” масъулияти чекланган жамиятида қишлоқ ҳўжалиги маҳсулотларини сақлаш, қайта ишлаш, қадқлаш ишлари амалга оширилади. Бу ерда терминал, юк тушириш ва ортиш майдони, улкан музлаткичлар ва бошқа ёрдамчи иншоотлар барпо этилмоқда.

— Қиймати 69 миллиард сўмлик мазкур лойиҳанинг минтақа иқтисодиётидаги аҳамия-



ти бекиёс, — дейди корхона масъул ходими Қувват Халмуратов. — Зеро, корхона Оролбўйининг экспорт салоҳиятини юксалтириш билан бирга, аҳоли дастурхонини йил давомида сархил мева-сабзавотлар билан узлуқсиз таъминлашда муҳим аҳамият касб этади.

Замонавий технологиялар билан жиҳозланган марказда 150 нафар йигит-қизнинг банд-

лиги таъминланади. Бу ерда соатига 1 тоннагача мева-сабзавот қадқоланиши баробарида 500 килограммгача табиий шарбат тайёрланади. Шунингдек, 2 тоннагача дуккакли дон маҳсулотлари сараланади.

— Минтақамизда шу пайтга қадар қишлоқ ҳўжалиги маҳсулотларини ташқи бозорга чиқарадиган йирик корхона йўқ эди, — дейди иш юритувчи Руслан Базарбаев. — Шу боис қорақалпоғистонлик миришкорлар томонидан етиштириляётган мева-сабзавот маҳсулотлари далаларда нобуд бўляётганди. Ушбу лойиҳанинг рўёбга чиқарилиши эса буларнинг барчасига чек қўяди.

«Бизга бўлаверади» деган гаплар энди ярашмайди

Ўзгаришлар, янгиланишлар ҳақида гап кетганда, албатта, “Обод қишлоқ” дастури хусусида алоҳида тўхталмасликнинг илоҳи йўқ. Чунки у орқали энг чекка овул ва қишлоқларда ҳам одамлар яхши яшаш нималигини ҳис эта бошлади.

Масалан, мазкур дастур асосида Оролбўйидаги ҳар бир туманда иккитадан қишлоқ танлаб олиниб, уларда улкан бунёдкорлик-ободонлаштириш ишлари амалга оширилди. Қисқа фурсатда қарийб 142 минг аҳолининг фаровон яшаши учун зарур шароитлар муҳайё этилди. Ушбу мақсадлар учун 215 миллиард сўмдан зиёд маблағ йўналтирилгани ҳам қилинган ишлар салмоғидан дарак беради.

Тахиятош туманининг “Найманқўл” ва “Кенегес” овул фуқаролар йиғинида ҳам ана шундай хайрли ишлар амалга оширилмоқда.

— Дастурга мувофиқ, 4522 нафар аҳоли яшайдиган ушбу ҳудудларда жами 10 миллиард 903 миллион сўмлик қурилиш ва ободонлаштириш ишлари бажарилади, — дейди туман бош меъмори Отабек Машарипов. — Жумладан, автомобиль йўлларини таъмирлаш, иж-



тимоий инфратузилма объектларини бунёд этиш, ичимлик суви таъминотини яхшилаш ишлари босқичма-босқич қизғин олиб борилмоқда.

Ёши улуг инсонларнинг айтишича, Найманқўл ва Кенегес қишлоқлари ҳудуди қадимда тўқайзорлардан иборат бўлган экан. Бугун ушбу ҳақиқатга ишониси қийин. Зеро, бу ерларда қўрмак уй-жойлар, замонавий корхоналар қад ростлаган.

Амалга ошириляётган бунёдкорлик ишларида аҳоли вакиллари ҳам фаоллик кўрсатмоқда. Шу кунга қадар режа қилинган 17,5 километрлик электр тармоғининг 12 километри қурилди, иккита трансформатор пункти янгидан бунёд этилиб, олтитаси мукаммал таъмирланди, 3,5 километрлик газ тармоғининг 3,2 километри таъмирланиб, 17,3 километрлик ичимлик суви тармоғининг 13,8 километри қуриб битказилди.

Махсуос комиссия ҳудуддаги 783 хонадоннинг аҳолини яқиндан ўрганиб, одамларни иш билан таъминлаш, банкдан кредит олишда ёрдам бериш, тураржойларни таъмирлаш,



қишлоқ қиёфасига ярашмайдиган ноқонуний қурилмаларни бартараф этиш каби ишларни изчил амалга оширмоқда. Бугунги кунгача 232 хонадон таъмирланиб, 57 та ноқонуний қурилма бузиб ташланди. Элликдан зиёд хонадон соҳибларига банкнинг 564 миллион сўмлик кредити ажратилиб, уларнинг уй шароитида касаначилик билан шуғулланишлари учун имконият яратилди.

— Бу эзгу ишларнинг ташаббускорига минг раҳмат, — дейди найманқўллик оқсоқол



Ўрозбой Юсупов. — Уйларимиз таъмирланган, йўллар асфальтланган, кўчаларимиз кечалари ёруғ. Айниқса, ҳар бир хонадонга ичимлик суви кириб боргани мушкуллимизни осонлаштирди. Бундан қишлоқдошларимизнинг қувончи чексиз.

Ҳудуддаги 11-умумтаълим мактаби “Техника сервис” масъулияти чекланган жамияти томонидан капитал таъмирланмоқда. Таълим му-



ассасаси директори Ўринбой Болиевнинг айтишича, ёзги таътил даврида ушбу ишлар бошлаб юборилгани айти муқддо бўлди. Бинобарин, болалар янги ўқув йилини замонавий қиёфа касб этган жонажон мактаби бағрида бошлашса қандай яхши.

Кеулимжай Адилбаев, Гулжан Гонрадова, Мукаррама Жумамуратова, Тўлқин Рўзимов

каби тадбиркорлар ҳам ушбу ишларга муносиб ҳисса қўшмоқда. Улар замонавий инфратузилма объектларини бунёд этиш, одамларни доимий иш билан таъминлашдек хайрли амалларни рўёбга чиқармоқда.

Аэропортнинг янги қиёфаси

Аэропорт — юртимизга биринчи бор ташриф буюрган хорижликларга мамлакатимиз ҳақида илк тасаввурни шакллантирадиган маскан, десак, айти ҳақиқатни айтган бўлаимиз. Бугун Нукус халқаро аэропортига келган киши бу ердаги улкан ўзгаришларни кўриб, ҳайрат ва таассуротлар оғушига чўмиши, табиий.

Боси, ушбу масканда яқинда кенг қўлмали реконструкция ишлари амалга оширилди. Бу ерда меҳмонларга халқаро андозалар талаб-



лари даражасида хизмат кўрсатиш учун барча шарт-шароит яратилди. Натижада соатига 400 нафар йўловчига хизмат кўрсатиш имконияти юзага келди.

Бугун Нукус халқаро аэропорти ҳар қандай русумдаги самолёт ва вертолётларни қабул қила олади. Зеро, ун минг метр узунликдаги аэродром, учини-қўнни йўлаги, халқаро талабларга мос замонавий ёритиш, товушли ва аэронавигация ускуналари ана шундай қулайлик яратмоқда.

— Терминал йўловчилар ва уларнинг юқларига халқаро стандартларга мос хизмат кўрсатиш имконини берувчи энг замонавий техникалар билан таъминланган, — дейди аэропортнинг йўловчиларни ташвиш хизмати бошлиғи Қонис Нуратдинов. — Бинода авиация хавфсизлигини юқори даражада таъминлаш учун замонавий муҳандислик жиҳозлари ўрнатилган. Хусусан, парвозолди назорати ва юк ортиш майдонлари кенгайтирилиб, рўйхатдан ўтиш устунлари қўпайтирилди. Маҳаллий ва халқаро авиайўналишлар учун йўловчилар зали, оналар ва болалар хонаси, тиббиёт пункти, валюта айирбошлаш шохобчалари, сувенир дўконлари, кафе-бар йўловчиларга туну кун хизмат кўрсатади.

Таъкидлаш керакки, янги терминал дизайнини ишлаб чиқишда ҳудуднинг иқлим шароити ҳам ҳисобга олинган. Йўловчи ўтказиш ҳажми ва хизмат кўрсатиш даражаси тезлашди. Бу сайёҳлар ва хорижий авиакомпанияларни жалб этиш, янги йўналишлар очишда муҳим омилдир.

— Ҳозиргина Москвадан учиб келдим, — дейди нукуслик Светлана Аймурзаева. — Нукус аэропортининг замонавий қиёфасини кўриб,



қисқа муддатда бу даражада ўзгариб кетганидан жуда хайратландим, хурсанд бўлдим. Эзгу ишлар давом этаверсин!

Ўзгалар кўнглига йўл топиб, уни хурсанд қилиш қанчалик қийин ва мураккаб иш. Президентимиз раҳнамолигидаги сайёҳаркатлар халқимиз кўнглига ёруғлик олиб кириши, унинг эртанги кунга бўлган натижалари мустаҳкамлашга, ҳаётдан рози бўлиб яшашини таъминлашга қаратилгани билан аҳамиятлидир. Бунинг амалий самараларини биргина Қорақалпоғистон Республикасида олиб бориляётган ислохотлар ва унинг натижалари мисолида қўрдик. Демак, белгиланган юксак мақсадларга эришиш қанчалик машаққатли бўлмасин, у шараф билан урдаланмоқда.

Юнус БҲОНОВ,
Ҳидоят АҲМЕДОВ,
«Халқ сўзи» муҳбирлари.

Суратлар «Халқ сўзи» фотожамламасидан олинди.

